



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN

Numri i lëndës: 2023:251916

Datë: 29.02.2024

Numri i dokumentit: 05423272

P.nr.1217/2023

NË EMËR TË POPULLIT

GJYKATA THEMELORE PRIZREN DEPARTAMENTI I PËRGJITHSHËM DIVIZIONI PENAL gjyqtari Refki Piraj, me pjesëmarrjen e bashkëpunëtores Arbnijë Delijaj Gashi, në lëndën penale, kundër të akuzuarit E.K., nga Prizreni, rruga ‘.....- nr....., me numër personal, për shkak të veprës penale, Posedimi i paautorizuar i narkotikëve, substancave psikotrope ose analoge nga neni 269 par.2 lidhur par.1 të Kodit Penal të Republikës së Kosovës, duke vendosur sipas aktakuzës së Prokuroria Themelore Prizren PP/II. nr. 2105-1/23, të datës 17.11.2023, pas mbajtjes së shqyrtimit fillestar, në praninë e Prokurorit të Shtetit Labinot Jetishi, të akuzuarit E.K., me datë 18.01.2024 mori, ndërsa përpiloi me datë 29.02. 2024 këtë:

A K T G J Y K I M

I akuzuarit:

E.K., nga i atidhe e ëma, i lindur me datënë Prizren, rruga ‘.....- ... nr.6.7, i pa martuar, ka të kryer shkollën e mesme, punëtor, i gjendjes së dobët ekonomike, shqiptar, shtetas i Republikës së Kosovës, me numër personal

ËSHTË FAJTOR

Se me datë 10.11.2023, rreth orës 22:10minuta, në rrugën magjistrale Prizren – Vërmic, i pandehuri E.K., posedon pa autorizim narkotik të llojit marihuanë, në atë mënyrë që pas ndalimit të automjetit të të pandehurit të markës “.....”, me targa regj.nga ana e njësitit të DHTN-së, gjatë kontrollit të automjetit, saktësisht nën ulësen e shoferit kanë gjetur një grinder për bluarjen e marihuanës si dhe në dollapin – fijoken që gjendet në tavanin e automjetit kanë gjetur një sasi me substance të dyshuar për narkotik, të cilat me pas sekuestrohen nga ana e policisë dhe pas ekzaminimit laboratorik rezulton të jetë substancë narkotike e llojit marihuanë me peshë totale prej 1.88 gram..

-Me këto veprime ka kryer veprën penale, Posedimi i paautorizuar i narkotikëve, substancave psikotrope ose analoge nga neni 269 par.2 lidhur me 1 të Kodit nr.06/L-074 Penal të Republikës së Kosovës.

Andaj gjykata në kuptim të nenit **7, 8, 9, 10, 17, 21, 38, 39, 43, 69, dhe nenit 269 par.2 lidhur me par.1 të KPRK-së dhe nenet 242, 364 të KPPRK-së të akuzuarit i shqipton :**

DËNIM ME GJOBË

Në shumë prej dyqindegjashtëdhjetë (260) euro, të cilin dënim do ta paguaj në llogarinë e kësaj gjykate nga dita e plotfuqishmërisë së këtij aktgjykimi. Nëse personi i dënuar nuk dëshiron ose nuk mund të paguaj gjobën në tërësi, gjykata mund të zëvendësoj pjesën e mbetur të gjobës me dënim me burgim, duke llogaritur 20 euro për 1 ditë burgim, gjegjësisht 13 ditë burgim.

- Gjkata në bazë të nenit Gjykata në kuptim të nenit 269 par.3 të KPRK-së, lidhur me nenin 274 dhe nenit 276 par.2 pika 2.4 të KPPRK-së:

Urdhëron- konfiskimin e dëshmive të sekuestruara përkohësisht :

- D#1 Substancë narkotike e llojit ‘Marihuanë’, me peshë 1.88 gram dhe,
- D#2 një mulli (grinder) për bluarje të substancës narkotike.

Këto dëshmi pas plotfuqishmërisë së këtij vendimi, duhet të shkatërrohet nga ana e Policisë së Kosovës-Stacioni Policor Prizren.

Obligohet i akuzuari që ti paguajë të gjitha shpenzimet e procedurës penale në bazë të llogarisë së gjykatës, në emër të paushallit gjyqësor të paguaj shumen prej 20,00 euro, dhe në emër të ligjit mbi mbrojtjen e viktimave të krimit shumën prej 20,00 euro, e të gjitha këto në afat prej 15 ditësh nga dita e plotfuqishmërisë së këtij aktgjykimi nën kërcenim të ekzekutimit të dhunshëm.

Arsyetim

Prokuroria Themelore në Prizren i ka paraqitur kësaj gjykate aktakuzën PP/II. nr. 2105-1/23, të datës 17.11.2023, ndaj të akuzuarit E.K., nga Prizreni, për shkak të veprës penale, Posedimi i paautorizuar i narkotikëve, substancave psikotrope ose analoge nga neni 269 par.2 lidhur me par.1 të Kodit Penal të Republikës së Kosovës.

Pas pranimit të shkresave të lëndës, gjyqtari i vetëm gjykues me datën 18.01.2024 ka caktuar shqyrtimin fillestar, fillimisht i akuzuari është udhëzuar nga gjyqtari i çështjes për të drejtat e tij të cilat i takojnë me ligj, të parapara në nenin 241 të KPPRK-së, ku i akuzuari pas udhëzimeve lidhur me të drejtat të cilat i takojnë sipas ligjit konform nenit 241 të KPPRK-së, pasi që ka kuptuar natyrën dhe pasojat e pranimit të fajit, e ka pranuar fajësinë që i ngarkohet me aktakuzë.

Prokurori i Shtetit ka theksuar se nuk e kundërshton pranimin e fajësisë nga ana e të akuzuarit.

I akuzuari E.K., ka theksuar se e pranonë fajësinë për veprën penale në tërësi.

Gjyqtari i vetëm gjykues pas dëgjimit të palëve ka marr aktvendim me të cilin ka pranuar pranimin e fajësisë ngase ka ardhur në përfundim se pranimi i fajësisë nga ana e të akuzuarit është bërë në pajtim me nenin 241 lidhur me 242 të KPPRK-së. Gjatë pranimit të fajësisë gjykata konstatoi se i akuzuarit e ka kuptuar natyrën dhe pasojat e pranimit të fajit, pranimi është bërë vullnetarisht nga ana e të akuzuarit, pranimi i fajit mbështetet në faktet e çështjes që përmban aktakuza, në materialet e prezantuara nga Prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike dhe se nuk

ekziston asnjë nga rrethanat e parapara në nenin 244 të KPP-së, për pushimin e procedurës penale përkatësisht hedhjen e aktakuzës.

Bazuar në pranimin e fajësisë nga i akuzuari dhe konform nenit 241 e 242 të KPPRK-së, gjykata nuk është lëshuar në procedimin e provave.

Andaj kjo gjykatë duke u bazuar në këto që u thanë më lart vërtetohet gjendjen faktike se në veprimet e të akuzuarit E.K., , plotësohen të gjitha elementet qenësore të veprës penale, Posedimi i paautorizuar i narkotikëve, substancave psikotrope ose analoge nga neni 269 par.2 lidhur me par.1 të Kodit Penal të Republikës së Kosovës, prandaj dhe ia shqiptoi dënimin si në dispozitiv të këtij aktgjykimi.

Me rastin e marrjes së vendimit mbi dënimin ndaj të akuzuarit, gjykata vlerësoi të gjitha rrethanat në kuptim të dispozitave të neneve 69 të KPRK-së të cilat ndikojnë në zgjedhjen e llojit dhe lartësisë së dënimit, prej rrethanave lehtësuese gjykata ka vlerësuar rrethanat lehtësuese si pranimin e fajësisë në shqyrtimin fillestar, keqardhjen e shfaqur nga i akuzuari si dhe rrethanat personale se është i gjendjes së dobët ekonomike. Duke mos gjetur rrethanë renduese gjykata ka ardhur në përfundim se me dënimin si në dispozitiv të këtij aktgjykimi, do të arrihet efekti dhe qëllimi i tij nga neni 38 i KPRK-së dhe ky dënim si i tillë i shqiptuar sipas bindjes së gjykatës është në proporcion me peshën e veprës penale të kryer, me rrethanat personale dhe shkallen e përgjegjësisë të cilat i posedon i akuzuari.

Vendimi mbi shpenzimet e procedurës penale, e mori në kuptim të nenit 449 dhe 451 të KPPK-së.

Vendimi mbi konfiskimin, e mori në kuptim të nenit 269 par.3 të KPRK-së, lidhur me nenin 274 dhe nenit 276 par.2 pika 2.4 të KPRK-së.

Më sa u tha më lartë u vendos si në shqiptim të këtij aktgjykimi .

GJYKATA THEMELORE PRIZREN
DEPARTAMENTI I PËRGJITHSHËM , DIVIZIONI PENAL
P.nr.1217/2023 i datës 29.02.2024

G j y q t a r i

Refki Piraj

KËSHILLË JURIDIKE: Kundër këtij aktgjykimi është e lejuar ankesa në afat prej tridhjetë (30) ditëve nga koha e pranimin të të njëjtit, Gjykatës së Apelit në Prishtinë, nëpërmjet kësaj Gjykate Themelore.